

Folla 4.1.- Sesións. Sesións e Mysql

Lembra que para iniciar a sesión o primeiro que ten que aparecer no script é o inicio de sesión:

```
<?php
session_start();
?>
<!DOCTYPE html>
...
```

E despois podes empregar o array asociativo `$_SESSION` **para enviar variables de unha páxina a outra.**

1. Comproba os exemplos dos **apuntes** *sesion1a.php* e *sesion1b.php*. Comproba que cando se carga a segunda páxina DESDE a primeira podemos ver que o usuario segue sendo "Xan".
2. Modifica agora o exercicio 1 para que:
 - a) na primeira páxina (*sesion1a.php*) teñas un formulario que envía nome do **usuario** e **contrasinal** a *sesion1b.php*, por **GET**.
 - b) A páxina *session1b.php* debe definir un array asociativo cos datos enviados: `$datos=array("nome"=>NomeUsuario, "contrasinal"=>contrasinalEnviado).` Garda ese array en `$_SESSION['datos']`, con `$_SESSION['datos']=$datos.`
 - c) Comproba que cando volves á primeira páxina podes acceder aos datos gardados con `$_SESSION['datos']`.

3. Crea unha base de datos **Empresa** na túa base de datos, e executa as consultas que tes no ficheiro **CrearCliente.sql**.

Crea 2 usuarios "Ana" e "Xan" na base de datos, os dous con contrasinal "abc123.". Ana terá todos os permisos na base de datos Empresa, e Xan só poderá consultar os datos.

Temos que facer varias páxinas, nas que se irá pasando o usuario, empregando sesións (`$_SESSION`):

login.php: Pedirá usuario e contrasinal. Só Ana e Xan poderán acceder, se teclean o contrasinal gardado na base de datos. Calquera outro usuario recibirá unha mensaxe de erro e seguirá na páxina de entrada

datos.php:

Chegaremos a ela sempre cun usuario coñecido (Ana ou Xan). Mostra ese nome na páxina. Se se teclea directamente no navegador a páxina deberá dar un erro.

Deberán mostrarse todos os datos da táboa **cliente**.

Terá tamén 2 botóns:

- x Ordenar por nome da Empresa
- x Ordenar por Empregado Asignado

Se o usuario é Ana tamén verá un botón máis:

- x Engadir rexistro

engadeRexistro.php:

Ana poderá ver un formulario para engadir un rexistro na táboa. Despois de engadir o rexistro volveremos á páxina de **datos.php**